

KERATAN AKHBAR

Suntik elemen digital lahir permata negara fasih digital

Ipoh: Pendidikan awal kanak-kanak di tabika kawasan luar bandar perlu segera disuntik elemen digital bagi melahirkan permata negara yang fasih digital.

Sehubungan itu, Jabatan Kemajuan Masyarakat (KEMAS) sebagai agensi di bawah Kementerian Kemajuan Desa dan Wilayah (KKDW) yang diamanahkan untuk menyediakan akses pendidikan awal di luar bandar, tampil memperkenalkan Pelan Transformasi Digital Pendidikan Awal Kanak-Kanak KEMAS 2023-2032.

Ketua Setiausaha KKDW, Datuk Muhd Khair Razman Mohamed Annuar berkata, kerajaan sudah meluluskan peruntukan RM25 juta bagi tahun ini dan 2025 bertujuan menjayakan program itu.

Menurutnya, antara inisia-

tif itu adalah membekalkan peralatan teknologi komunikasi dan maklumat (ICT) termasuk perisian dan akses internet bagi menyokong ekosistem pendidikan digital, selain latihan kompetensi digital pendidik KEMAS secara berterusan serta mencungkil bakat digital kanak-kanak.

"Pelancaran pelan digital ini membuktikan komitmen KEMAS untuk memastikan kanak-kanak yang berada di kawasan luar bandar turut menikmati pendidikan inklusif, saksama dan bermutu tinggi.

"Transformasi digital dalam pendidikan bukan lagi satu pilihan, tetapi satu keperluan di era digital yang menuntut pendekatan baharu bagi memastikan anak-anak kita tidak ketinggalan.



AHLI panel Sembang Santai 'Hebatnya TABIKA KEMAS', (dari kiri) Prof Madya Dr Safawi Abd Rahman dari Kolej Pengkomputeran, Informatik dan Matematik Pusat Pengajian Sains Maklumat Universiti Teknologi Mara (UiTM); Pengarah Pusat Pedagogi Penyelidikan dan Inovasi (CPRI) Universiti Pendidikan Sultan Idris (UPSI), Professor Dr Nordin Mamat, Dr Kamarul Azman Abd Salam dari Bahagian Sumber dan Teknologi Pendidikan Kementerian Pendidikan Malaysia dan moderator, Shahril Sarapudin.

"Pelan ini adalah inisiatif strategik untuk membawa pendidikan awal kanak-kanak ke era baharu, bertujuan memperkasakan pendidikan dengan teknologi dan digital yang relevan untuk masa kini dan masa depan," katanya.

Beliau berkata demikian ketika semasa ucapan perasmian Kolokium Kajian Tindakan Pendidikan Awal Kanak-Kanak KEMAS Peringkat Antarabangsa dan Pelancaran Pelan Transformasi Digital Pendidikan Awal Kanak-kanak KEMAS di Pusat Konvensyen Casuarina, di sini, Sabtu lalu.

Teks ucapan beliau dibacakan oleh Setiausaha Bahagian Kanan (Khidmat Penguurusan) KKDW, Datuk Dr Roslan Mahmood yang merasmikan majlis itu bagi pihaknya.

KETERANGAN AKHBAR

Harian **Metro**

KERATAN BERTARIKH:	17 SEPTEMBER 2024
RUANGAN:	LOKAL
HALAMAN:	18
HARI:	SELASA